

შპს „ქართული კვების კომპანია“



ელექტრონული ტენდერის
დოკუმენტაცია

კვების პროდუქტ(ებ)ის
სახელმწიფო შესყიდვის შესახებ

CPV – 15500000

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში-სისტემა) ატვირთული ყველა დოკუმენტი ან/და ინფორმაცია ხელმოწერილი და ბეჭედდასმული (ბეჭდის არარსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრეტენდენტს არა აქვს უფლება წარმოადგინოს ალტერნატიული წინადადება.

სატენდერო დოკუმენტაციის შესახებ დამატებითი ინფორმაციის და განმარტებებისათვის მიმართეთ სატენდერო კომისიის აპარატს: არჩილ კვატაშიძე ტელ: 2200-122 (701); 595 09-04-13; ტექნიკური კითხვებისათვის დაუკავშირდით მამუკა ჯაში ტელ: 599 40-56-65; 2200-122 (703), მის: ქ. თბილისი, სოფ. დიღომი, „თათრანთ ბაღები“ შპს „ქართული კვების კომპანიის“ ოფისი.

2.1 შესყიდვის ობიექტის დასახელება, ტექნიკური სპეციფიკაცია, სავარაუდო რაოდენობა, ტენდერის ღირებულება

N	საქონლის დასახელება	ტექნიკური სპეციფიკაცია	განზ.	რაოდენობა	სავარაუდო ღირებულება
1	შედგენილი რძე	ფერი, სუნი და გემო დამახასიათებელი გარკვეული ნიმუშისთვის. კონსისტენცია-სქელი, ერთგვაროვანი. ცხიმის (რძის ცხიმი) მასური წილი არანაკლებ 8.5%, ტენიანობა არაუმეტეს 26.5%. მიკრობიოლოგიური, ფიზიკო-ქიმიური და სანიტარულ-ჰიგიენური მაჩვენებლებით უნდა შეესაბამებოდეს საქართველოში არსებულ სტანდარტს. არ უნდა შეიცავდეს ორგანიზმისთვის საშიშ და აკრძალულ საკვებდამატებს (საღებავებისა და კონსერვანტების სახით) და მცენარეულ ცხიმს. დაფასებული 0.35-1.0 კგ-იან თუთქის უჟანგავ ქილებში (კოროზიული დაზიანებისა და ზომბაჟის გარეშე) ან პოლიეთილენის შეფუთვით, მექანიკური დაზიანების გარეშე. შესაბამისი მარკირებით. მითითებული უნდა იყოს დამზადების თარიღი, შენახვის ვადები და პირობები. მიწოდებული საქონლის შენახვის ვადა უნდა იყოს არანაკლებ საერთო ვადის 50%-ის	კგ	36,750	117,233
2	რძის ფხვნილი	უმაღლესი ხარისხის, სუფთა, მინარევების გარეშე, ცხიმის (რძის ცხიმი) არანაკლებ 25%, შეფუთვა 5-25კგ-იან ქაღალდის ტომრებში. მიწოდებული საქონლის შენახვის ვადა უნდა იყოს არანაკლებ საერთო ვადის 50%-ის	კგ	368	

შენიშვნა: წარმოდგენილი პროდუქცია (დაუშვებელია სახეობისათვის დამახასიათებელი დაავადების არსებობა, უნდა იყოს უმაღლესი/პირველი ხარისხის, პირველი კატეგორია) უნდა შეესაბამებოდეს საქართველოში მოქმედ სტანდარტებსა და სანიტარულ-ჰიგიენურ ნორმებს (საწიდან 2.3.2.00-00). ტრანსპორტირება უნდა განხორციელდეს კონკრეტული სახეობისათვის მოქმედი სტანდარტებისა და საქართველოში მოქმედი სანიტარულ-ჰიგიენური ნორმების მიხედვით.

3.1 შესყიდვის ობიექტის მიწოდების ვადა და ადგილი:

3.1.1 მიწოდების ვადა: ხელშეკრულების გაფორმებიდან ეტაპობრივად 2014 წლის 01 ივლისის ჩათვლით შემსყიდველის მოთხოვნის შესაბამისად. 2 კვირაში 1 ჯერ, შეკვეთიდან 1-2 დღეში. **პირველი მიწოდება უნდა განხორციელდეს ხელშეკრულების გაფორმებიდან არაუმეტეს 5 (ხუთი) სამუშაო დღეში. (ასეთი მოთხოვნის არსებობის შემთხვევაში)**

3.1.2 საქონლის მიწოდება უნდა განხორციელდეს დღის განმავლობაში არაუგვიანეს 19.00 სთ-ის.

3.1.3 სავარაუდო მიწოდების ადგილი: საქართველოს თავდაცვის სამინისტროს სამხედრო ბაზები საქართველოს მთელ ტერიტორიაზე და შპს "ქართული კვების კომპანიის" საწყობები (46 ობიექტი): ქ. თბილისი (შემოგარენით), დაბა კოჯორი, დაბა ვაზიანი, დაბა კრწანისი, დაბა ბაზალეთი, ქ. მცხეთა, სოფ. საგურამო, სოფ. ნორიო, სოფ. ალგეთი, ქ. მარნეული, საგარეჯოს მუნიციპალიტეტი, ქ. თელავი, ქ. ახალციხე, ქ. გორი (შემოგარენით), ქარელის მუნიციპალიტეტი, სოფ. ოსიაური, ქ. ქობულეთი, ქ. ქუთაისი (შემოგარენით), ქ. ბათუმი (შემოგარენით), ქ. სენაკი, ხონის მუნიციპალიტეტი, ქ. ფოთი, საჩხერის მუნიციპალიტეტი.

3.2 სატენდერო წინადადების ფასი.

3.2.1 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით, მ.შ ტრანსპორტირების ხარჯი.

3.2.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

3.3 ანგარიშსწორების პირობები.

3.3.1 ანგარიშსწორება მოხდება შემდეგი წესით: ყოველი თვის -- (---) და -- (---) რიცხვებში "მყიდველი" "გამყიდველს" გადაუხდის წინა (ბუღალტრული ურთიერთშედარებიდან შემდგომ ურთიერთშედარებამდე) პერიოდში მიწოდებული საქონლის ღირებულებას სრულად, აღნიშნულ თარიღებამდე 5 დღით ადრე მხარეთა შორის ურთიერთშედარების აქტის გაფორმების შემთხვევაში და მოცემულ აქტში მითითებული დავალიანების შესაბამისად.

3.3.2 ანგარიშსწორების ფორმა - უნაღდო.

3.3.3 წინასწარი ანგარიშსწორება (ავანსი) არ განიხილება.

პრეტენდენტის მიერ ერთიან ელექტრონულ სისტემაში ასატვირთი მონაცემები:

- კომპანიის რეკვიზიტები (დანართი N1);
 - ფასების ცხრილი (დანართი N2);
 - საბანკო დაწესებულების მიერ გაცემული, უფლებამოსილი პირის მიერ ხელმოწერით დამოწმებული, ცნობა ფულადი ბრუნვის შესახებ მომსახურე ბანკ(ებ)იდან 2012 წლის 01 იანვრიდან დღემდე (მინიმუმ ტენდერის სავარაუდო ღირებულების ნახევარი ან 300 000 (სამასი ათასი) ლარი);
 - არანაკლებ 1 (ერთი) სარეკომენდაციო წერილი (დადებითი რეკომენდაცია) შემსყიდველი ორგანიზაციიდან მის მიერ ანალოგიური საქონლის მიწოდების შესახებ. რეკომენდაციაში მითითებული უნდა იყოს ინფორმაცია, თუ რამდენად ხარისხიანად, სრულად და დროულად შეასრულა მიწოდებელმა ხელშეკრულებით გათვალისწინებული ვალდებულება. ასევე უნდა იყოს დაფიქსირებული მიწოდებული საქონლის ღირებულება. თითოეულ რეკომენდაციაში ანალოგიური მიწოდებული საქონლის ღირებულება უნდა იყოს არანაკლებ ტენდერის სავარაუდო ღირებულების მეოთხედი ან 100 000 (ასი ათასი) ლარისა; საქონლის მიწოდება განხორციელებული უნდა იყოს 2012 წლის 01 იანვრის შემდეგ.
- შენიშვნა: ანალოგიურ საქონლად ჩაითვლება სახელმწიფო შესყიდვების სააგენტოს თავჯდომარის 2010 წლის 20 სექტემბრის N7 ბრძანებით დამტკიცებული შესყიდვების საყოველთაო კლასიფიკატორის ძირითადი CPV კოდით გათვალისწინებული ნებისმიერი ერთგვაროვანი საქონელი.

4. გამარჯვების შემთხვევაში პრეტენდენტის საკვალიფიკაციო მონაცემები უნდა შეიცავდეს შემდეგ დოკუმენტებს:

4.1 ამონაწერი მეწარმეთა და არასამეწარმეო (არაკომერციული იურიდიული პირების რეესტრიდან (ფიზიკური პირების გარდა);

4.2 ცნობა საქართველოს ფინანსთა სამინისტროს სსიპ „შემოსავლების სამსახურიდან“ ბიუჯეტთან ანგარიშსწორების შესახებ.

ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს გამარტივებული შესყიდვის გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ” სახელმწიფო შესყიდვების სააგენტოს თავჯდომარის 2011 წლის 7 აპრილის #9 ბრძანების შესაბამისად ”მე-2 მუხლის პირველი პუნქტის “ლ” ქვეპუნქტით გათვალისწინებული ეტაპის (წინადადების მიღება დაწყებულია) დაწყების შემდეგ.

პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების პრეტენდენტის მიერ წარმოდგენილობის ან/და ხარვეზის მქონე მონაცემების წარმოდგენის შემთხვევაში სატენდერო კომისია მოახდენს პრეტენდენტის დისკვალიფიკაციას.

5 ხელშეკრულების უზრუნველყოფის საბანკო გარანტია

5.1 ტენდერში გამოიყენება ხელშეკრულების უზრუნველყოფის უპირობო და გამოუთხოვადი საბანკო გარანტია, ხელშეკრულების საერთო ღირებულების 5%-ის ოდენობით იმ შემთხვევაში თუ ტენდერის სავარაუდო ღირებულება აღემატება 200 000 (ორასი ათასი) ლარს ან/და თუ პრეტენდენტის მიერ ელექტრონული ვაჭრობის შედეგად საბოლოოდ დაფიქსირებულ ფასი 20%-ით ნაკლებია თავდაპირველ სავარაუდო ღირებულებაზე.

5.2 ხელშეკრულების უზრუნველყოფის საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

5.3 გარანტია შესაძლებელია გაცემული იქნას როგორც საქართველოში მოქმედი საბანკო დაწესებულებ(ებ)იდან, ისე სადაზღვევო კომპანიიდან.

5.3 ხელშეკრულების შესრულების უზრუნველყოფის საბანკო გარანტია წარმოდგენილი უნდა იქნეს ხელშეკრულების გაფორმებამდე.

6. დამატებითი ინფორმაცია:

6.1 შემსყიდველის მოთხოვნის შემთხვევაში საუკეთესო ფასის მქონე პრეტენდენტმა მოთხოვნიდან არაუგვიანეს 7 (შვიდი) სამუშაო დღისა უნდა წარმოადგინოს საქონლის ნიმუშ(ებ)ი და შესაბამისი ლაბორატორიული გამოცდის ოქმ(ებ)ი (საქართველოში მოქმედი სტანდარტებით განსაზღვრული ხარისხისა და უსაფრთხოების (საწინააღმდეგო 2.3.2.00-00) პარამეტრების მითითებით) ან/და საქონლის შესაბამისობის სერტიფიკატ(ებ)ი (სტანდარტებისა და ნორმების მითითებით), რომელიც გაცემული უნდა იყოს საქართველოში

აკრედიტირებული შემოწმების/ტესტირების ლაბორატორიის მიერ. მისამართზე: ქ. თბილისი, სოფ. დიდლომი, თათრაანთ ბაღები (შპს „ქართული კვების კომპანიის“ ოფისი). აღნიშნული დოკუმენტები გაცემული უნდა იყოს ტენდერის გამოცხადების შემდეგ. ნიმუშ(ებ)ის, შესაბამისი ლაბორატორიული ოქმ(ებ)ის ან/და შესაბამისობის სერთიფიკატ(ებ)ის განსაზღვრულ ვადაში წარმოდგენლობა ან ხარვეზით წარმოდგენა გამოიწვევს პრეტენდენტის დისკვალიფიკაციას სატენდერო პროცედურებიდან.

6.2 შემსყიდველს არ ეკისრება საქონლის სრულად შესყიდვის ვალდებულება.

6.3 პრეტენდენტის მიერ ელ. ტენდერში მონაწილეობის მიღება (წინადადების წარმოდგენა) ნიშნავს, რომ იგი სრულად ეთანხმება შემსყიდველის ელ. ტენდერის დოკუმენტაციით გათვალისწინებულ მოთხოვნებს.

6.4 ხელშეკრულებაში დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები “მყიდველი”-სათვის გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

6.5 იმ შემთხვევაში, თუ პრეტენდენტის მიერ ერთიან ელექტრონულ სისტემაში საბოლოო შეთავაზების ველში დაფიქსირებული ფასი არ ემთხვევა პრეტენდენტის მიერ სისტემაში ატვირთულ ფასთა ცრილის ჯამს, უპირატესობა მიენიჭება უმცირესს.

6.6 ფასების ცხრილში ერთეულის ფასი გამოსახული უნდა იყოს არაუმეტეს მეთასედის სიზუსტით. იმ შემთხვევაში თუ ფასების ცხრილში დაფიქსირებულია მძიმის შემდეგ 3 (სამ) სიმბოლოზე მეტი, ერთეულის ფასად ჩაითვლება მხოლოდ მძიმის შემდეგ სამი სიმბოლო.

6.7 ტენდერში არ განიხილება შპს „ქართული კვების კომპანიის“ მიერ გაცემული სარეკომენდაციო წერილ(ებ)ი.

შპს „ქართული კვების კომპანია“ ობიექტების კვების პროდუქტებით მომარაგების შესახებ

ქ. თბილისი

2013 წლის ----

ხელშეკრულების მხარეები

შპს „ქართული კვების კომპანია“ წარმოდგენილი მისი დირექტორის გიორგი როგავას სახით, (შემდგომში მოხსენიებული, როგორც „მყიდველი“), ერთის მხრივ და შპს „----“ წარმოდგენილი მისი დირექტორის ----- სახით (შემდგომში მოხსენიებული, როგორც „გამყიდველი“) მეორეს მხრივ, ვდებთ წინამდებარე ხელშეკრულებას შემდეგზე:

მუხლი 1. მხარეთა ძირითადი შეთანხმების შესახებ (ხელშეკრულების საგანი)

- 1.1. წინამდებარე ხელშეკრულების შესაბამისად „გამყიდველი“ ვალდებულია „მყიდველს“ პერიოდულად მიაწოდოს დანართი №1-ში აღნიშნული კვების პროდუქტები (შემდგომში - საქონელი) „მყიდველისათვის“ საჭირო რაოდენობითა და ამ ხელშეკრულებით განსაზღვრული წესით, ხოლო „მყიდველი“ ვალდებულია ხელშეკრულებით განსაზღვრული წესით და ვადებში მიიღოს საქონელი და გადაიხადოს მისი ღირებულება.
- 1.2. „გამყიდველი“ ვალდებულია „მყიდველს“ მიაწოდოს საქონელი ამ ხელშეკრულების დანართი №1-ში აღნიშნულ მისამართ(ებ)ზე განთავსებულ ობიექტ(ებ)ზე, მიღებული შეკვეთებიდან გამომდინარე. ობიექტების შემადგენლობაში ცვლილებების შემთხვევაში (გაზრდა ან შემცირება) „გამყიდველს“ ეცნობება სულ მცირე 5 სამუშაო (ხუთი) დღით ადრე.
- 1.3. საქონლის ფასი მითითებულია დანართ №1-ში და მოიცავს დანიშნულების ადგილამდე (ობიექტებამდე) ტრანსპორტირების ხარჯებსა და საქართველოს კანონმდებლობით დადგენილ ყველა გადასახადს.

მუხლი 2. საქონლის შესაბამისობის შესახებ

- 2.1. „გამყიდველი“-ს მიერ „მყიდველისათვის“ გადასაცემი საქონლის ხარისხი, სტანდარტები, ძირითადი მახასიათებლები და სხვა პარამეტრები უნდა შეესაბამებოდეს საქართველოს კანონმდებლობით დადგენილ წესებს, ნორმებსა და „გამყიდველის“ მიერ შემოთავაზებულ პირობებს.
- 2.2. „გამყიდველმა“ „მყიდველს“ უნდა გადასცეს საქონლის ხარისხის დამადასტურებელი დოკუმენტაცია მოთხოვნიდან არაუგვიანეს 5 (ხუთი) კალენდარულ დღეში.

მუხლი 3. მხარეთა უფლებამოსილებებისა და მოვალეობების შესახებ

წინამდებარე ხელშეკრულებით, „გამყიდველი“ ვალდებულია საქონელი „მყიდველს“ მიაწოდოს ხელშეკრულებით განსაზღვრული წესით, „მყიდველისათვის“ საჭირო რაოდენობით, ხოლო „მყიდველი“ ვალდებულია მიიღოს წინასწარ შეკვეთილი საქონელი და მოახდინოს „გამყიდველთან“ ანგარიშსწორება ხელშეკრულებით გათვალისწინებული პირობებით.

- 3.1. „გამყიდველი“ ვალდებულია მიაწოდოს საქართველოში არსებული მოთხოვნების შესაბამისად მარკირებული საქონელი.
- 3.2. „გამყიდველი“ ვალდებულია დადგენილ ვადაში წარმოადგინოს მწარმოებლის მიერ გაცემული საბუთი (ხარისხის სერტიფიკატის, ლიცენზიის ასლები და სხვა შესაბამისობის დოკუმენტი), აუცილებლობის შემთხვევაში კი დაურთოს ისინი საქონელს.
- 3.3. „მყიდველი“ ვალდებულია მიიღოს წინასწარ შეკვეთილი საქონელი, მიღების მომენტში შეამოწმოს საქონლის ხარისხი, შეფუთვა და გარეგანი იერსახე.
- 3.4. „მყიდველი“ ვალდებულია „გამყიდველს“ აუნაზღაუროს მიწოდებული საქონლის ღირებულება ამ ხელშეკრულების მე-7 მუხლის შესაბამისად.
- 3.5. „მყიდველი“ ვალდებულია ამ ხელშეკრულებით დადგენილი წესით „გამყიდველს“ აცნობოს ობიექტების რაოდენობის გაზრდის ან შემცირების შესახებ.

- 3.6. მხარეები ვალდებული არიან ხელშეკრულების ურთიერთობიდან გამომდინარე უზრუნველყონ ინფორმაციის კონფიდენციალობის დაცვა, რაც გულისხმობს მათთვის ვალდებულებათა შესრულების შედეგად ცნობილი ინფორმაციის (ტექნოლოგიური ხასიათის საკითხები, საქმიანობის დეტალები, კომპანიის კონტრაგენტების ვინაობა, სქემები, და სხვა) გამჟღავნების დაუშვებლობას მესამე პირებისათვის.

მუხლი 4. საქონლის მახასიათებლების შესახებ (ასორტიმენტი, რაოდენობა და ხარისხი)

- 4.1. „გამყიდველი“ „მყიდველისათვის“ საქონლის მიწოდებას უზრუნველყოფს მყიდველისათვის საჭირო ოდენობით. საქონლის სახეობების, დასახელებების და ასორტიმენტის ცვლილების შემთხვევაში „გამყიდველი“ „მყიდველს“ მიაწვდის შესაბამის დამატებით ინფორმაციას წერილობით.
- 4.2. „გამყიდველი“ ვალდებულია მიწოდების დოკუმენტებში (ზედნაღები) მიუთითოს მიწოდებული საქონლის ასორტიმენტი და ფასები.
- 4.3. „გამყიდველის“ მიერ საქონლის ფაქტობრივი მიწოდებისას საქონლის შეფუთვაზე დატანილი საერთო ვარგისიანობის ვადიდან არ უნდა იყოს დარჩენილი ----- ნაკლები ვარგისიანობის ვადა.
- 4.4. ხელშეკრულებაში დაფიქსირებული ფასების შეცვლა დაუშვებელია თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები “მყიდველი”-სათვის გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.
- 4.5. მიწოდებული საქონლის ასორტიმენტი და რაოდენობა უნდა შეესაბამებოდეს იმ ასორტიმენტს, რომელიც ნაჩვენებია მიწოდების დოკუმენტებში.
- 4.6. საქონლის ხარისხი უნდა შეესაბამებოდეს მწარმოებლის დეკლარირებულ სტანდარტებს, საქართველოს კანონმდებლობის მოთხოვნებსა და „გამყიდველის“ მიერ შემოთავაზებულ პირობებს.
- 4.7. „გამყიდველი“ იძლევა გარანტიას, რომ, საქონლის „მყიდველი“-სათვის გადაცემის მომენტში, არის საქონლის კანონიერი მფლობელი და ასევე, რომ საქონელი არ არის დაგირავებული, დაყადავებული, მესამე პირებს არ შეიძლება წარმოეშვათ რაიმე სახის პრეტენზია აღნიშნულ საქონელთან მიმართებაში.
- 4.8. „გამყიდველი“ იძლევა გარანტიას, რომ საქონელი შეესაბამება უსაფრთხოების, სანიტარული ნორმების, შეფუთვის და მარკირების მოთხოვნებს, დადგენილს საქართველოს კანონმდებლობით და ასევე, რომ საქონელი იქნება მიწოდებული სათანადო მდგომარეობაში, შეფუთვა არ იქნება დაზიანებული, ხოლო წარწერები საქონელსა და ეტიკეტებზე იქნება კითხვადი.

მუხლი 5. მიწოდებისა და დოკუმენტების შესახებ

- 5.1. „მყიდველი“ შეარჩევს და მიიღებს, ან შეუკვეთავს და მიიღებს საქონელს თავისი მოთხოვნილებების და შესაძლებლობების შესაბამისად (რის ათვისებასაც შეძლებს შემდგომ მიწოდებამდე), ამიტომ „გამყიდველი“ აცხადებს თანხმობას, რომ „მყიდველმა“, შეიძლება არ შეიძინოს „გამყიდველის“ მიერ შეთავაზებული საქონლის სრული სპექტრი თითოეულ შეკვეთაზე, რაც მითითებულია ხელშეკრულების დანართ №1-ში. „მყიდველს“ შეუძლია „გამყიდველს“ წინასწარ, სულ მცირე მიწოდებამდე 1 დღით ადრე მისცეს შეკვეთა მისთვის სასურველ საქონელზე და სასურველი ოდენობით. „გამყიდველი“ ვალდებულია შეასრულოს „მყიდველის“ შეკვეთა, შეკვეთის მიღებიდან არა უგვიანეს 24 საათის განმავლობაში. საქონლის შეკვეთა ხორციელდება ელ-ფოსტის ან კომუნიკაციის სხვა საშუალებით, რომელიც იძლევა „გამყიდველის“ მიერ შეკვეთის მიღების დადასტურების საშუალებას.
- 5.2. საქონლის მიწოდება უნდა განხორციელდეს დღის განმავლობაში არაუგვიანეს 19.00 სთ-ისა. 19.00 სთ-ის შემდეგ “მყიდველი” უფლებამოსილია უარი თქვას საქონლის მიღებაზე.
- 5.3. „მყიდველი“ უფლებამოსილია „გამყიდველის“ მიერ შეკვეთის შესრულებამდე მოახდინოს შეკვეთის კორექტირება (მისაწოდებელი საქონლის ოდენობის, ასორტიმენტის დამატება ან გამოკლება, ასევე შეკვეთის გაუქმება). შეკვეთის კორექტირების შემთხვევაშიც მიწოდება უნდა განხორციელდეს ხელშეკრულების 5.1. პუნქტის შესაბამისად.
- 5.4. გადაუდებელი აუცილებლობიდან გამომდინარე მხარეები აცხადებენ თანხმობას, რომ 5.1. პუნქტში მოცემული მიწოდების გრაფიკი შეიძლება შეიცვალოს (მიწოდების ვადის შემცირება).
- 5.5. ყოველი მიწოდებისას სასაქონლო ზედნაღები (შემდგომში ზედნაღები) ან/და ანგარიშ-ფაქტურა უნდა გაფორმდეს საქართველოს კანონმდებლობის მოთხოვნათა შესაბამისად.

- 5.6. თუკი საქონლის მიღების შემდეგ აღმოჩნდება, რომ დოკუმენტები შეცდომით, ან არასათანადო ფორმითაა გაფორმებული, „მყიდველი“ ატყობინებს აღნიშნულის შესახებ „გამყიდველს“, რომელიც ვალდებულია არაუგვიანეს მეორე დღისა მოახდინოს ახალი დოკუმენტების წარმოდგენა და ძველის გაუქმება/კორექტირება.
- 5.7. საქონლის ფაქტობრივი მიწოდება უნდა განხორციელდეს სასაქონლო ზედნადების გაფორმების დღეს.
- 5.8. საქონლის ტრანსპორტირებისათვის განკუთვნილი სატრანსპორტო საშუალებები უნდა იმყოფებოდნენ ტექნიკურად გამართულ, სუფთა მდგომარეობაში, უნდა პასუხობდნენ ჰიგიენურ ნორმებს და იყვნენ კარგისნი განსაზღვრული კატეგორიის საქონლის ტრანსპორტირებისთვის.
- 5.9. „მყიდველი“-ს წარმომადგენელი ვალდებულია უზრუნველყოს საქონლის გადმოტვირთვა ამისათვის სპეციალურად განსაზღვრულ ადგილას და დროს.

მუხლი 6. საქონლის მიღება-ჩაბარების შესახებ

- 6.1. „მყიდველი“-ს წარმომადგენელი „გამყიდველი“-ს წარმომადგენლის თანდასწრებით უზრუნველყოფს საქონლის დათვალიერებას და გადმოტვირთვას „მყიდველი“-ს საწყობში, ან სხვა მითითებულ ადგილას. მიწოდებული საქონლისათვის შენახვის პირობების შექმნა (განთავსება, ტემპერატურა, მზის სინათლისაგან დაცვა) წარმოადგენს „მყიდველის“ ვალდებულებებს და უნდა შეესაბამებოდეს საქონლის შენახვისათვის დადგენილ პირობებს.
- 6.2. საქონლის მიღებისას, „მყიდველი“ შეამოწმებს საქონლის რაოდენობას და ასორტიმენტისა და ხარისხის შესაბამისობას წარდგენილ დოკუმენტებთან მიმართებაში. მიწოდებული საქონლის ღირებულებისა და მიღების ფაქტი ფიქსირდება და დასტურდება საქართველოს კანონმდებლობით დადგენილი დოკუმენტებითა და „მყიდველი“-ს წარმომადგენლის ხელმოწერით ზედნადებზე ან/და ა/ფაქტურაზე ან/და მიღება-ჩაბარების აქტზე. „მყიდველი“ უფლებამოსილია არ მიიღოს საქონელი და არ მოაწეროს ხელი შესაბამის დოკუმენტს, თუკი საქონლის რაოდენობა, ასორტიმენტი არ შეესაბამება მხარეთა შორის შეთანხმებულ პირობებსა, შეფუთვა, ხარისხი და კარგისიანობის ვადა არ შეესაბამება დადგენილ სტანდარტებსა და „გამყიდველის“ მიერ შემოთავაზებულ პირობებს.
- 6.3. „მყიდველის“ უფლებამოსილებას საქონლის მიღებასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „მყიდველის“ უფლებამოსილი თანამშრომელი (მენეჯერი, საწყობის უფროსი, ფინანსური მენეჯერი, ბუღალტერი და სხვა).
- 6.4. „გამყიდველის“ უფლებამოსილებას საქონლის გადაცემასთან, შემოწმებასთან, ანგარიშსწორებასთან და მონაცემების შედარებასთან დაკავშირებით, ახორციელებს „გამყიდველის“ უფლებამოსილი თანამშრომელი (დისტრიბუტორი, ვაიზერი, მენეჯერი, ბუღალტერი და სხვა).

მუხლი 7. ანგარიშსწორების შესახებ

- 7.1. საქონლის ღირებულების ანგარიშსწორება განხორციელდება უნაღდო ანგარიშსწორების გზით.
- 7.2. ანგარიშსწორება მოხდება შემდეგი წესით: ყოველი თვის -- (---) და -- (---) რიცხვებში „მყიდველი“ „გამყიდველს“ გადაუხდის წინა (ბუღალტრული ურთიერთშედარებიდან შემდგომ ურთიერთშედარებამდე) პერიოდში მიწოდებული საქონლის ღირებულებას სრულად, აღნიშნულ თარიღებამდე 5 დღით ადრე მხარეთა შორის ურთიერთშედარების აქტის გაფორმების შემთხვევაში და მოცემულ აქტში მითითებული დავალიანების შესაბამისად.
- 7.3. თუკი 7.2. პუნქტში მოცემული ანგარიშსწორების დღე(ებ)ი ემთხვევა არასამუშაო დღე(ებ)ს, ანგარიშსწორება განხორციელდება მომდევნო სამუშაო დღეს.
- 7.4. მიწოდებული საქონლის ღირებულების და ოდენობის სადაოდ გახდომის შემთხვევაში, ძირითად საანგარიშო დოკუმენტს წარმოადგენს წინამდებარე ხელშეკრულება, „მყიდველის“ და „გამყიდველის“ ან მათი წარმომადგენლების მიერ ხელმოწერილი სასაქონლო ზედნადები ან/და საგადასახადო ა/ფაქტურა ან/და მიღება-ჩაბარების აქტი და გადახდის დამადასტურებელი დოკუმენტები.
- 7.5. „მყიდველისა“ და „გამყიდველს“ შორის ანგარიშსწორებამდე 5 (ხუთი) დღით ადრე უნდა მოხდეს ბუღალტრული ურთიერთშედარების აქტის შედგენა.

მუხლი 8. ხელშეკრულების შესრულების კონტროლის შესახებ

- 8.1. ხელშეკრულების შესრულების კონტროლს განხორციელებს:
- 8.1.1. შპს „ქართული კვების კომპანიის“ ხარისხის მართვისა და მონიტორინგის სამსახურის უფროსი/თანამშრომელი ან/და ღირეულობის მიერ გამოყოფილი შესაბამისი უფლებამოსილი პირი – „გამყიდველის“ მიერ მიწოდებული საქონლის სახეობის, ასორტიმენტის, შეფუთვის, ხარისხის კონტროლი, საქონლის ვარგისიანობის ვადა, მიწოდებული საქონლის რაოდენობა, მიწოდებული საქონლის ტექნიკური მახასიათებლების შეფასება შემოთავაზებულ პირობებთან;
- 8.1.2. შპს „ქართული კვების კომპანიის“ - შესყიდვებისა და მომარაგების სამსახურის უფროსი ან მის მიერ უფლებამოსილი თანამშრომელი - მიწოდებული საქონლის ფასის შესაბამისობა ხელშეკრულებაში დაფიქსირებულ ფასთან, შეკვეთის მიცემისა და შესრულების ვადების კონტროლი, მიწოდების ადგილი.
- 8.2. კონტროლი ხორციელდება ხელშეკრულების შესრულების ნებისმიერ ეტაპზე, საქონლის მიღებისას, აგრეთვე მიღების შემდეგ, მათ შორის, ხელშეკრულების მოქმედების ვადის გასვლის შემდეგ, ხელშეკრულებიდან გამომდინარე ვალდებულებების არსებობის პერიოდში.
- 8.3. კონტროლის განხორციელების ადგილია: საქონლის მიწოდების ადგილი და სხვა ნებისმიერი ადგილი „მყიდველის“ არჩევანის მიხედვით.

მუხლი 9. ხელშეკრულების შესრულების გარანტია

- 9.1. ხელშეკრულების გაფორმებისას „გამყიდველმა“ წარმოადგინა ხელშეკრულების შესრულების უზრუნველყოფის საბანკო გარანტია № ----- გაცემული 2013 წლის -----, ----- მიერ ----- (----- ლარი) ლარის უზრუნველსაყოფად.
- 9.2. „გამყიდველის“ მიერ წარმოდგენილი ხელშეკრულების შესრულების უზრუნველყოფის საბანკო გარანტიის ვადა არანაკლებ 1 (ერთი) თვით უნდა აღემატებოდეს ხელშეკრულების მოქმედების ვადას.
- 9.3. „გამყიდველის“ მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვნად, არასრულად შესრულება და სხვა) შემთხვევაში, „მყიდველი“ უფლებამოსილია ხელშეკრულების შესრულების უზრუნველყოფის საბანკო გარანტიის მოქმედების პერიოდში მიმართოს გარანტიის გამცემ ორგანოს (გარანტს) და მოითხოვოს ხელშეკრულების შესრულების საბანკო გარანტიით გათვალისწინებული თანხა.
- 9.4. „გამყიდველის“ მიერ ხელშეკრულებით ნაკისრი ვალდებულებების სრულად შესრულების შემდეგ „მყიდველი“ მიღება-ჩაბარების (შესრულების) აქტის გაფორმებიდან 1 (ერთი) თვის ვადაში „გამყიდველის“ წერილობითი მოთხოვნის საფუძველზე უზრუნველყოფს ხელშეკრულების შესრულების უზრუნველყოფის საბანკო გარანტიის დაბრუნებას.
- 9.5. „გამყიდველისაგან“ დამოუკიდებელი მიზეზების გამო ხელშეკრულების შეწყვეტის შემთხვევაში „მყიდველი“ „გამყიდველის“ მოთხოვნისთანავე უზრუნველყოფს ხელშეკრულების შესრულების უზრუნველყოფის საბანკო გარანტიის დაბრუნებას.

მუხლი 10. მხარეთა პასუხისმგებლობის შესახებ (რეკლამაცია)

- 10.1. იმ შემთხვევაში, თუ „მყიდველი“, „გამყიდველს“ არ გადაუხდის მიწოდებული საქონლის ღირებულებას ხელშეკრულებით დადგენილ ვადაში და ასეთი გადაუხდელობა გრძელდება „გამყიდველის“ მიერ აღნიშნულის თაობაზე წერილობითი შეტყობინების გაგზავნიდან 10 (ათი) სამუშაო დღეზე მეტი ვადით, „გამყიდველი“ უფლებამოსილია „მყიდველს“ დააკისროს გადასახდელი ძირითადი თანხის 0,3 % ყოველი ვადაგადაცილებული დღეზე.
- 10.2. იმ შემთხვევაში, თუ „გამყიდველი“ არ შეასრულებს შეკვეთას ხელშეკრულებით განსაზღვრულ ვადაში ან/და არ მომხდარა შეკვეთის კორექტირება „მყიდველის“ მოთხოვნის მიუხედავად, „მყიდველი“ უფლებამოსილია გამყიდველს დააკისროს ჯარიმა 100 (ასი) ლარის ოდენობით ყოველ ვადაგადაცილებულ დღეზე.
- 10.3. თუ „მყიდველი“ საქონლის მიღების შემდეგ, მიღებიდან არაუგვიანეს 5 (ხუთი) სამუშაო დღისა აღმოაჩენს, რომ მიღებული საქონლის სახეობა, ასორტიმენტი, გრამაჟი, შეფუთვა, გემოვნური თვისებები ან ხარისხი არ შეესაბამება არსებულ სტანდარტებსა და მხარეთა შორის შეთანხმებულ პირობებს,

„მყიდველი“ უფლებამოსილია „მყიდველის“ ხარისხის მართვისა და მონიტორინგის სამსახურის დასკვნის საფუძველზე საქონლის მიღებიდან არაუგვიანეს 5 (ხუთი) სამუშაო დღისა „გამყიდველს“ წარუდგინოს რეკლამაცია (პრეტენზია) წერილობითი ფორმით ან/და ელ-ფოსტის მეშვეობით და დააკისროს პირგასამტეხლო 500.00 (ხუთასი) ლარის ოდენობით. ასეთი ფაქტის ყოველი განმეორების შემთხვევაში „მყიდველი“ უფლებამოსილია დაარიცხოს „გამყიდველი“-ს პირგასამტეხლო 1000.00 (ათასი) ლარის ოდენობით. ამ ვადის გასვლის შემდეგ პრეტენზიები აღარ მიიღება.

- 10.4 მყიდველი ასევე უფლებამოსილია გამყიდველს მოსთხოვოს მოწოდებული საქონლის ნიმუშის აღება რასაც დაესწრებიან ხელშეკრულების მხარეები და აკრედიტირებულ ლაბორატორიაში შემოწმება. ლაბორატორიულ შემოწმებასთან დაკავშირებულ ხარჯებს აანაზღაურებს „გამყიდველი“.
- 10.5 „გამყიდველი“ ვალდებულია რეკლამაციაზე დაუყოვნებლივ მოახდინოს რეაგირება, გამოასწოროს მასში მითითებულ საქონელთან დაკავშირებული ხარვეზები (მოთხოვნები), მყიდველის მხრიდან რაიმე დამატებითი დანახარჯის გაღების გარეშე და გადაიხადოს დაკისრებული პირგასამტეხლო, ხოლო თუ რეკლამაციას მიიჩნევს უსაფუძვლოდ და დაუსაბუთებლად, შესაბამისი წერილობითი ფორმით აცნობოს „მყიდველს“ არაუგვიანეს რეკლამაციის მიღებიდან 1 (ერთი) სამუშაო დღის ვადაში. შეუთანხმებლობის შემთხვევაში „გამყიდველი“ უფლებამოსილია საკუთარი ხარჯით მიმართოს შესაბამის უფლებამოსილ პირს/ორგანოს (სპეციალისტი, ექსპერტი), წუნდების მიზეზების გამოსარკვევად. დადგენილი ვადის გასვლის შემდეგ პრეტენზიები აღარ მიიღება.
- 10.6 „მყიდველი“ უფლებამოსილია „გამყიდველისათვის“ პირგასამტეხლოს დარიცხვის შემთხვევაში, ანგარიშსწორებისას, „გამყიდველს“ გამოუქვითოს პირგასამტეხლოს ოდენობა, რაც ჩაითვლება „გამყიდველის“ მიერ დაკისრებული პირგასამტეხლოს გადახდად.
- 10.7 იმ შემთხვევაში, თუ „გამყიდველის“ მიერ მიწოდებული საქონელი აღმოჩნდება უხარისხო ან/და დადგენილ ნორმაზე ნაკლები, რაც დასტურდება შესაბამისი უფლებამოსილი პირის (ექსპერტი, სპეციალისტი) მიერ და რის გამოც „მყიდველს“ კვებითი მომსახურების შემსყიდველმა მხარემ დაეკისრა პირგასამტეხლო, „მყიდველი“ უფლებამოსილია რეგრესის წესით მოითხოვოს „გამყიდველისაგან“ ზიანის ანაზღაურება, დაკისრებული პირგასამტეხლოს ოდენობით.

მუხლი 11. ხელშეკრულების შესრულების შეფერხების შესახებ

- 11.1 თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებას, რომლის გამოც ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობისა და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში, უნდა აცნობოს მეორე მხარეს თავისი გადაწყვეტილება ამ გარემოებებთან დაკავშირებით.
- 11.2 თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების შესახებ, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით. შეთანხმების შემთხვევაში გადავადებულ პერიოდზე მხარეს არ დაეკისრება პირგასამტეხლო.

მუხლი 12. ფორს-მაჟორის შესახებ

- 12.1 ამ ხელშეკრულების მიზნებისათვის დაუძლეველი ძალა (ფორს – მაჟორი) არის გარემოებები, რომლებიც წარმოიშობა მხარეთა ნებისაგან დამოუკიდებლად და, მიუხედავად მხარეთა მიზანმიმართული მოქმედებისა, შეუძლებელი ხდება მათი დაძლევა. დაუძლეველი ძალის გარემოებებს მიეკუთვნება: სტიქიური უბედურებები, გადაულახავი ბუნებრივი მოვლენები, ომი და ა.შ. რაც დასტურდება შესაბამისი უფლებამოსილი ორგანოს მიერ.
- 12.2 მხარეებს არ ეკისრებათ პასუხისმგებლობა ხელშეკრულების პირობების დარღვევისათვის ან თავისი ვალდებულებების არადროული შესრულებისათვის დაუძლეველი ძალის გარემოებების მოქმედების მთელი დროის განმავლობაში.
- 12.3 მხარე, რომელიც მიუთითებს დაუძლეველ ძალაზე, ვალდებულია წერილობითი ფორმით ან ინფორმაციის ელ-ფოსტის, ტელეფონის ან ფაქსის გაგზავნით შეატყობინოს ამის შესახებ მეორე მხარეს.

- 12.4 წინამდებარე ხელშეკრულების მოქმედება შეჩერდება ფორს-მაჟორული გარემოებების მოქმედების მთელი დროის მანძილზე. მხარეები ვალდებული არიან უზრუნველყონ ხელშეკრულების მოქმედების გაგრძელება აღნიშნული გარემოებების მოქმედების შეწყვეტის მომენტიდან.
- 12.5 თუ დაუძლეველი ძალის მოქმედება გრძელდება 35 დღეზე მეტი ხნით, თითოეული მხარე უფლებამოსილია მოითხოვოს ხელშეკრულების შეწყვეტა, აღნიშნულის შესახებ მეორე მხარისათვის წერილობითი შეტყობინების გაგზავნის გზით.

მუხლი 13. ხელშეკრულების მოქმედების ვადის შესახებ

- 13.1 წინამდებარე ხელშეკრულება ძალაში შედის ხელმოწერის მომენტიდან.
- 13.2 ხელშეკრულება მოქმედებს 2014 წლის 01 აგვისტოს ჩათვლით.
- 13.3 ხელშეკრულება ერთ-ერთი მხარის წერილობითი განცხადებით შეიძლება შეწყდეს ვადადმე შემდეგ შემთხვევებში:
- (ა) მხარეთა შეთანხმებით ნებისმიერ დროს; (ბ) მყიდველის მიერ 5 (ხუთი) კალენდარული დღით ადრე წერილობითი შეტყობინების გაგზავნის შემთხვევაში; ხელშეკრულება ვადადმე შეწყვეტილად ითვლება მეორე მხარისათვის ხელშეკრულების შეწყვეტის შესახებ წერილობითი მოთხოვნის გადაცემიდან 5 (ხუთი) კალენდარული დღის გასვლის შემდეგ. (გ) „მყიდველმა“ შეწყვიტა, ან შეაჩერა თავისი საქმიანობა; (ე) მიმდინარეობს „მყიდველის“ ან „გამყიდველის“ გადახდისუნარიანობის საქმის წარმოება; (ვ) „გამყიდველი“ სისტემატურად (2-ჯერ ან მეტჯერ) არღვევს თავის მოვალეობებს; (ზ) „მყიდველმა“ ანგარიშსწორების განხორციელების ვადას გადააცილა 20 (ოცი) კალენდარულ დღეზე მეტი ვადით; (თ) „გამყიდველმა“ არაერთგზის (2-ჯერ ან მეტჯერ) დაარღვია ხელშეკრულების პირობები
- 13.4 ხელშეკრულების ვადის გასვლით ან ვადადმე შეწყვეტის შემთხვევაში „მყიდველი“ ვალდებულია ხელშეკრულების შეწყვეტის ძალაში შესვლიდან 20 (ოცი) კალენდარული დღის განმავლობაში სრულად გადაიხადოს (დაფაროს) „გამყიდველის“ წინაშე არსებული დავალიანება.

მუხლი 14. დასკვნითი დებულებების შესახებ

- 14.1 მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის წინამდებარე ხელშეკრულებისა და საქართველოს კანონმდებლობის შესაბამისად.
- 14.2 წინამდებარე ხელშეკრულებიდან გამომდინარე მხარეთა უფლებებთან და მოვალეობებთან დაკავშირებით გამოიყენება საქართველოს კანონმდებლობა.
- 14.3 „მხარეები“ ადასტურებენ, რომ „ხელშეკრულების“ შინაარსი ზუსტად გამოხატავს „მხარეთა“ ნებას და რომ მათ მიერ ნების გამოვლენა მოხდა „ხელშეკრულების“ შინაარსის გონივრული განსჯის შედეგად და არა მარტოდ სიტყვა-სიტყვითი მნიშვნელობიდან.
- 14.4 ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 14.5 წინამდებარე ხელშეკრულების დანართები წარმოადგენს ხელშეკრულების განუყოფელ ნაწილს და მოქმედებს მასთან ერთად.
- 14.6 ყოველი მხარე წერილობით ატყობინებს მეორე მხარეს იმ გარემოებების შესახებ, რომელთაც შეუძლიათ იქონიონ გავლენა მხარის მიერ თავისი ვალდებულებების შესრულებაზე: რეორგანიზაცია, რეკვიზიტების შეცვლა, გადახდისუნარიანობა ან გადახდისუნარიანობის აღბათობა, ლიცენზიის მოქმედების ვადის ამოწურვა და სხვა. მხარე, რომელიც არ ატყობინებს ან არადროულად ატყობინებს მეორე მხარეს წინამდებარე ხელშეკრულებით ნაკისრი ვალდებულებების შესრულების დამაბრკოლებელი გარემოებების შესახებ, ვალდებულია მეორე მხარეს აუნაზღაუროს ამასთან დაკავშირებით წარმოქმნილი ზარალი.
- 14.7 „ხელშეკრულების“ რომელიმე მუხლის, პუნქტის ან/და ქვეპუნქტის ბათილობა არ გამოიწვევს მთლიანად „ხელშეკრულების“ ან/და მისი სხვა ცალკეული მუხლის, პუნქტის ან/და ქვეპუნქტის ბათილობას. ბათილი დებულების ნაცვლად, გამოიყენება იმგვარი დებულება, რომლითაც უფრო ადვილად მიიღწევა „ხელშეკრულებით“ (მათ შორის ბათილი დებულებით) გათვალისწინებული მიზანი.
- 14.8 მხარეებს შეუძლიათ ხელშეკრულებაში შეიტანონ ცვლილებები და დამატებები, რომლებიც უფლებამოსილი პირების მიერ ხელმოწერის შემდეგ ხდება წინამდებარე ხელშეკრულების განუყოფელი ნაწილი და მოქმედებს მასთან ერთად.
- 14.9 იმ შემთხვევებში, როდესაც ეს ხელშეკრულება ავალდებულებს მხარეებს დაიცვან წერილობითი ფორმა, ეს ნიშნავს, რომ დოკუმენტები უნდა იყოს შედგენილი ქალაქში და ხელმოწერილი ამისათვის

უფლებამოსილი პირების მიერ. სხვა შეტყობინებები შეიძლება გადაიცეს ელ. ფოსტის, ტელეფონის ან ფაქსის საშუალებით.

- 14.10 მხარეთა მიერ ელ.ფოსტით გაგზავნილ შეტყობინებას აქვს იურიდიული ძალა და სავალდებულოა შესასრულებლად მხარეთა შორის. ელ.ფოსტაზე „მყიდველის“ მიერ წერილის/შეტყობინების მიღება უნდა დადასტურდეს ამავე ელ.ფოსტაზე შესაბამისი პასუხით.
- 14.11 გამყიდველი ადასტურებს, რომ მას ჩაბარდა ხელშეკრულება მისი დანართებითურთ.
- 14.12 გამყიდველი აცხადებს, რომ მის მიერ წარმოდგენილი მონაცემები, მათ შორის მისი რეკვიზიტები, სწორია.
- 14.13 მხარეები შეეცდებიან ყველა წარმოშობილი დავა და უთანხმოება გადაწყვიტონ ურთიერთ მოლაპარაკების გზით. იმ შემთხვევაში, თუ დავა არ გადაწყდება მისი წარმოშობიდან 30 დღის განმავლობაში, მხარეები იტოვებენ უფლებას თავიანთი ინტერესების დასაცავად მიმართონ საერთო სასამართლოებს.
- 14.14 პირველი ინსტანციის სასამართლოს გადაწყვეტილება „მხარეთა“ მიერ მისი გასაჩივრების მიუხედავად, დაუყოვნებლივ შედის ძალაში საქართველოს სამოქალაქო საპროცესო კოდექსის 268-ე მუხლის მე-11 პუნქტის შესაბამისად.
- 14.15 წინამდებარე ხელშეკრულება შედგენილია 2 ეგზემპლარად – თითო ეგზემპლარი ყოველი მხარისათვის. ორივე ეგზემპლარი იდენტურია და გააჩნიათ თანაბარი იურიდიული ძალა.

15. მხარეთა რეკვიზიტები და ხელმოწერები:

გამყიდველი

მყიდველი

შპს „-----“

შპს „ქართული კვების კომპანია“

საიდენტიფიკაციო კოდი: -

საიდენტიფიკაციო კოდი: 401960339

მისამართი: -

მისამართი: ქ.თბილისი, მნათობის ქ. №73.

ბანკის დასახელება: -

ბანკის დასახელება: სს „საქართველოს ბანკი“

ბანკის კოდი: -

ბანკის კოდი: BAGAGE22,

ანგარიშის ნომერი: -

ანგარიშის ნომერი: GE08BG0000000271525200

საკონტაქტო ტელეფონი:

საკონტაქტო ტელეფონი: 995 32 2200122

დირექტორი: -

დირექტორი: გიორგი როგავა

ხელმოწერა: -----

ხელმოწერა: -----

№	საქონლის დასახელება	ტექნიკური სპეციფიკაცია	განზ.	ერთ. ფასი (ლარი)	ჯამური ღირებულება (ლარი)	მიწოდების ვადა და ადგილი
1						
2						
3						
4						
5						

პრეტენდენტის
ხელმოწერა
(ბეჭედი)

პრეტენდენტის რეკვიზიტები

1. პრეტენდენტის იურიდიული ფორმა და დასახელება:
2. ხელმძღვანელის სახელი და გვარი:
3. პრეტენდენტის იურიდიული/ფაქტიური მისამართი:
4. საიდენტიფიკაციო ნომერი:
5. პრეტენდენტის ტელეფონის ნომერი: ტელ: მობ:
6. ელექტრონული მისამართი (ელ. ფოსტა, ვებ. გვერდი):
7. საბანკო რეკვიზიტები:
 - ბანკის დასახელება: ბანკის კოდი:
 - ანგარიშსწორების ანგარიში:

პრეტენდენტის ხელმოწერა, ბეჭედი

დანართი N2

№	საქონლის დასახელება	ტექნიკური სპეციფიკაცია	განზ.	რ-ბა	ერთ. ფასი (ლარი)	ჯამი	ჯამური ღირებულება (ლარი)	მიწოდების ვადა და ადგილი
1								
2								
3								
4								
5								

პრეტენდენტის
ხელმოწერა,
ბეჭედი